



**Sámi allaskuvla**  
Sámi University College

---

# **DUOJI MÁSTERGRÁDAOAHPPU**

## **OAHPPOPLÁNA**

### **120 oahppočuoggá**

Dutkan- ja oahppostivra / Forsknings- og studiestyret dohkkehan 17.02.2010, áššis DOS 19/10  
Dutkan- ja oahppostivra / Forsknings- og studiestyret dohkkehan 24.2.2011, áššis DOS 24/11  
Dutkan- ja oahppostivra / Forsknings- og studiestyret dohkkehan 13.06.2012, áššis DOS 53/12

1. PROGRÁMMA ČILGEN.....	<b>Feil! Bokmerke er ikke definert.</b>
2. OPPALAŠ DIEĐUT OAHPU BIRRA .....	<b>Feil! Bokmerke er ikke definert.</b>
3. SISABEASSANGÁIBÁDUSAT.....	5
4. OAHPAHUSGIELLA .....	5
5. SISDOALLU .....	6
6. OAHPANJOKSOSAT.....	7
7. ORGANISEREN JA OAHPAHAN- JA ÁRVVOŠTALLANMÁLLET.....	8
8. MASTERDUTKKUS.....	12
9. LOAHPALAŠ ÁRVVOŠTALLAN- EKSÁMEN.....	12
10. INTERNAŠUNALISEREN.....	14
11. OAHPU KVALITEHTA SIHKKARASTIN.....	15
II OAHPU OVDÁNEAPMI .....	15
III FÁTTÁID ČILGEN JA LOHKANMEARRI.....	<b>Feil! Bokmerke er ikke definert.</b>

## 1. PROGRÁMMA ČILGEN

Sámi allaskuvlla Masteroahppu duojis lea earenoamážit heivehuvvon duodjái ja dan ovddideapmái. Masteroahppu lea čiekŋudahttinlohkan man vuodđun adnojit dieđut maid studeanta lea háhkan bacheloroahpus Sámi allaskuvllas/Sámi University College dahje sullasaš gelbbolašvuodát.

### 1.1 Oahpu namma

Oahpu namma sámegillii: Duoji mastergrádaoahppu (120 oč)

Oahpu namma dárogillii: Mastergradsstudium i duodji (120 stp)

Oahpu namma engelasgillii: Master's degree Programme in duodji (120 ECTS)

Oahppokoda: DUO

### 1.2 Grádajovssus go lea oahpuin geargan

Sámegillii: Duoji mastergráda

Dárogillii: Mastergrad i duodji

Engelasgillii: Master's degree in Duodji

## 2. OPPALAŠ DIEĐUT OAHPU BIRRA

Duoji masterprográmma lea spesialiseren-ja čiekŋudahttinoahppu duojis.

Masteroahpus lea sihke geavatlaš ja teorehtalaš ulbmil. Ulbmil oahpuin lea viidáseappot ovdánahttit geavatlaš ja teorehtalaš máhtu ja vásáhusaid duojis.

Studeanttain galgá leat čiekŋalis máhttu ja diehtu fága dieđalaš ja dáiddalaš teoriijas ja metodos.

Sii galget ovdánahttit plánen-, čađahan-, suokkardan- ja árvoštallangelbbolašvuodaset ja gaskkusteami ovddidan- ja dutkanbargguid.

Duoji fágasuorggis leat guokte integrerejuvvon oasi; duodji/dáidda, ja dáidda lea oassin duojis ja duodji lea oassin dáidagis. Duodji lea fága mii gullá estehtalaš fágasuorgái. Dát leat fágat mat leat vuoduštuvvon teoriijaide, geavahansurggiide, ráhkadanvugiide ja ávdnasiidda mat leat čadnon visuála estetiikkii. Fágas lea nanu čanastat sámi servodahkii kultuvran, fágan ja ealáhussan.

Duodji (dáidda ja giehtaduodji) lea earenoamáš sihke materiálalaččat ja vuoiŋŋalaččat.

Masteroahpu kultuvrralaš sisdoallu addá ohppui sámi earenoamášvuoda ja iešvuoda. Studeanttaid bargu masterdutkosiin profilerejuvvo go sii ráddjejit ja guorahallet dihto välljejuvvon dutkansuorggi.

Ulbmil lea ovddidit duojára/dáiddára kritihkalaš jurddašemi ja praktihkalaš-estehtalaš ja dáiddalaš ovdáneami alla fágalaš dásis. Iežas dáiddalaš prošeavttaid ovddideapmi lea maid

guovddážiis, vuodustuvvon lulli-, julev- ja davvisámi gillii ja kultuvrii.

Duoji mastergrádaoahpu oahppoplánas ii dáhto Sámi allaskuvla bidjat nu čielga ráji gaskkal dáidaga ja giehtaduoji. Masteroahpus geavahit duoji (sámi dáidaga ja giehtaduoji) viiddis definišuvnna.

Oahpu váldosuorggit leat: duoji- ja dáiddafága ovddidanbargu, duodje- ja dáiddafágalaš teoriija, ja diedateoriija oktan dieđalaš čállimiin.

Studeanttat sáhttet spesialiseret iežaset mañemustá go álget masterohppui, muhto sáhttet dahkat dan ovdal maid, bachelordási kurssaid válljemiin. Juo bacheloroahpus studeanttat láidestuvvot ja nevvojuvvot movt hukset fágalaš vuodu masterohppui. Studeanttat bagadallovvojit hukset vuodu mastergrádaoahppui bacheloroahpu dásis juo. Spesialiseren ja čiekŋudahttin dáhpáhuvá oahppoovttadagaid ja lohkanmeari válljemiin, ja go studeanttat válljejit masterdutkanbarga, mii lea válljejuvvon spesialiserensuorggi iešheanalisis dieđalaš dutkanbargu.

### **3. SISABEASSANGÁIBÁDUSAT**

Duoji masteroahpu ohcciin galgá leat bachelorgráda, cand.mag.-gráda, oahpaheaddjioahppu dahje 3-jagáš dáiddafágalaš oahppu mii vástida bachelorgráda. Oassin dahje lassin ohppui, galgá ohcci duodaštit 60 oahppočuoggá čiekŋudeami duojis allaskuvladasis, ja duodaštit gelbbolašvuoda sámeielas ja terminologijas duodjefága oassin.

Ohccis sáhtta leat omd. čuovvovaš oahppu: (čujuhit muđui 1. mildosii

*Sisabeassannjuolggadusat*)

- Duoji bachelorgráda
- Bachelorgráda mas duodji, sámeigiella ja kultuvra lea oassin grádas
- Cand.mag.-gráda mas duodji, sámeigiella ja kultuvra lea oassin grádas
- Oahpaheaddjioahppu mas lea duodji, sámeigiella ja kultuvra oassin fágasuorggis. Ásahus sáhtta earenoamáš oktavuodain dohkkehít eará duodaštuvvon gelbbolašvuodaid ollásit dahje muhtun muddui seammaárvosažžan ovdalis namuhuvvon oahpuiguin, main lea čiekŋudeapmi sámi kultuvrras, sámeielas, duojis ja maiddái álgoálbmogiid duojis ja dáidagis. Duodaštuvvon reálagelbbolašvuodta dohkkehuvvo ollásit dahje muhtun muddui seammaárvosažžan čađahuvvon oahpuin.

Ohccit geain lea guhkes bargoduogáš duojis ja dáidagis/duojis, ja geain lea guokte jagáš oahppu fágasuorggis allaskuvlla dahje universitehta dásis, sáhttet ohcat beassat masterohppui. Ohccit sáhttet oažžut buorrindohkkehuvvot bargoduogáža dahje eará heivvolaš oahpu oassin golmmajagáš vuodđoohppui. Earenoamáš oktavuodain sáhtta sisabeassangeahččaleapmi čađahuvvot.

### **4. OAHPAHUSGIELLA**

Váldogiella lea sámeigiella, muhto maiddái skandinávalaš- ja engelasgiella sáhtta geavahuvvot. Vurdojuvvo ahte studeanta máhtta lohkat ja geavahit sáme-, skandinávalaš- ja engelasgielat fágagirjjálašvuoda.

## 5. SISDOALLU

Oahpu sisdoallu vuodđuduvvo oppalaš oassái (oktasaš oahppoovttadagat) ja earenoamáš oassái (masterdutkan).

Duoji mastergráda lea oktiibuot 120 oahppočuoggá. Dás dahká masterdutkan 60 oahppočuoggá ja oktasaš oahppoovttadagat 60 oahppočuoggá.

### 5.1 Oahpu oppalaš oassi

Oahpu geatnegahtton oktasaš oahppoovttadagat:

Oahpu oahppoovttadagat:

Koda	Oahppu	1.lohkanb.	2.lohkanb.	3.lohkanb.	4.lohkanb.
OKT 301	Diehtu, dieđalaš barggut ja dutkanmetodat	10 oč			
OKT 302	Prošeakta ja čállinseminára	10 oč			
DUO 303	Duoji ja dáiddafágalaš praksisat, teoriiat ja dutkanmetodat	10 oč (5+5)			
DUO 305	Duodji ja duddjon dutkanproseassan ja ovdánahttinbargu		30 oč		
DUO 390	Duoji masterdutkan			(30 oč)	(30 oč) 60 oč

### 5.2. Oahpu earenoamáš oassi, Masterdutkan (60 oahppočuoggá)

Oahpu earenoamáš oassi sisdoallu lea iešheanalaš lohkan, mii ásaha vuodu studeanttaid masterbargui, eará duodjebádjebargguide ja girjjálašvuoda guorahallamii, mat čatnasit dan masterbargui mainna guhtege studeanta lea bargamin. Dat sisttisoallá sihke praktihkalaš-estehtalaš oasi ja čálalaš oasi mii lea dutkkus.

Dat čađahuvvojit 3. ja 4. lohkanbajis.

## 6. OAHPPANJOKSOSAT

Manjel čadahuvvon oahpu galgá studeanta olahan čuovvovaš oahppanjoksosiid:

### Oppalaš oahppanjoksosat. Kandidáhtta:

- máhtta suokkardit relevánta fágalaš ja dutkanehtalaš čuolmmaid.
- máhtta geavahit dieđu ja máhtu maid lea háhkan ođđa surggiin
- máhtta gaskkustit iešheanalis barggu ja hálddaša duodjefága ovdanbuktinmálliid
- máhtta duodjefága fágalaš čuolmmaid, suokkardemiid ja konklušuvnnaid/bohtosiid gaskkustit iešgudetlágan birrasiidda
- máhtta váikkuhit ođđa jurddašeapmái ja ođasmahttimii

### Oahppanjovssus – máhtolašvuohta. Kandidáhtas:

- lea alla diehtu ja máhttu duodjefágas ja lea earenoamáš árvádus iežas duodjefágalaš suorggis
- máhtta kritihkalaččat árvvoštallat duoji kulturbuvttan ja estehtalaš buvttan
- lea čiekŋalis máhttu ja diehtu duoji birra dutkansuorgin, álgoálbmot geahččanguovllus
- lea čiekŋalis máhttu ja diehtu fágasuorggi dieđalaš ja duodjefágalaš teoriijain ja methodain
- máhtta suokkardit duodjefágalaš čuolmmaid maid vuolggasadji lea fágasuorggi historjá, árbevierut, iešvuohta ja sadji sámi, davviriikkalaš ja álgoálbmotservodagain.

### Oahppanjovssus – gálggat. Kandidáhtta:

- máhtta suokkardit duodjefágalaš teoriijaid, metodaidda ja dulkomiid mat leat gávdnamis
- máhtta bargat iešheanalaččat duodjedutkamiin ja dáiddalaččat fága čuolmmaiguin
- máhtta iešheanalaččat geavahit áššáiiguoskevaš metodaidda Dutkan-ja ovddidanbarggus (DJO)
- máhtta iešheanalaččat geavahit duddjon/dáiddalaš ovddidanbargguide guoskevaš metodaidda
- máhtta kritihkalaččat árvvoštallat ja suokkardit gálduid ja iešheanalaččat geavahit daid loahpalaš jurddabohtosiin
- máhtta čadahit iešheanalaš, ráddjejuvvon DJO proševtta

## **Oahpu gelbbolašvuohta**

Masteroahppu lea vuoddu masa maŋŋil sáhtta hukset doavttergrádaoahpu ja oppalaš ámmáteallima. Oahppu addá studeanttaide nanu fágalaš vuodu bargat dujiin iešguđet fágasurggiin servodagas. Sii geat čadahit dán oahpu, galget leat mielde deavdimin alladásat duodjefágalaš gelbbolašvuodadárbbu mii Sámi birrasiin ja servodagas muđui lea. Servodat dárbaša duojáriid ja dáiddáriid geain lea alla dásis oahppu, ovdamearkka dihte galleriijaide, kulturguovddážiidda ja skuvllaide. Mánngas sáhttet maiddái bargagoahit duojárin ja ealligoahit dujiin. Maŋŋá masteroahpu lea maid vejolaš čadahit praktihkalaš pedagogalaš oahpu, vai sáhtta oahpahit iešguđetlágan skuvllain.

## **7. ORGANISEREN JA OAHPAHAN-JA ÁRVVOŠTALLANMÁLLET**

Oahppoáiggis galget studeanttat oazžut vejolašvuoda čiekŋudahttit dasa movt sámegeiela sáhtta geavahit gáldun duodjemáhtu háhkamis.

### **7.1 Organiseren ja bargovuogit.**

Duoji masteroahpus leat oktasaš guovddášfágat 1. ja 2.lohkanbajis. Oahpu oppalaš oassi ja earenoamáš oassi vástidit bargguid dáfus guokte seamma sturrosaš oasi. Vurdojuvvo ahte galgá fáddái lahkoniit sihke systemáhtalaččat ja dutkanvuđolaččat, dat guoská sihke oahpu oppalaš oassái ja masterdutkanbargu. Studeanttaid masterbargu hábmejuvvo dan láhkái ahte ráddjejit ja problematiserejit välljejuvvon dutkansuorggi.

Oahppu sisttisoallá logaldallamiid, lohkanbajis maid ieš okto galgá lohkat, duodjelatnjabargguid, studeremiid joavkkuin, semináraid, juohkehačča sierra bagadallamiid ja čájáhusgalledemiid. Sihke teorehtalaš ja praktihkalaš barggut deattuhuvvojit oahppanmállen.



Studeanttaid iežaset viššalvuohta háhkat máhtu deattuhuvvo. IKT geavahuvvo veahkkeneavvun ja gulahallangaskaoapmin. Studeanttaide galgá maid láchčojuvvot vejolašvuohta beassat iešguđetlágan duddjonlanjain geahččaladdat iežaset hutkkálašvuođa ovddidanbargguin.

Ovttas studeanttain dáhttu masteroahpu koordináhtor veahkehit organiseret oktavuoda bagadalliiguin. Koordináhtor ságastallá studeanttaiguin bagadalli(-iid) välljemis, ja čállá soahpamuša bagadalliiguin go njálmmálaš šiehtadus lea dahkkon.

Masterprográmma organiseremis galgá eanemus lági mielde vuhtiiváldit dan ahte studeanttain sáhtta leat iešguđetlágan sámegeielduogáš, sihke giellamáhtu dáfus ja maiddái dan oktavuodas ahte soitet geavahit iešguđetlágan gielaide (lulli-, julev-, nuortalaš-, anáraš, davvisámegeilla jna). Oahppoáiggis galget studeanttat oazžut vejolašvuođa čieknjudahttit dasa movt sámegeiela sáhtta geavahit gáldun duodjemáhtu háhkamis.

Studeanttat leat mieldeovddasvástideaddjit ollislaš oahpu čadaheamis, ja juohkehaččas lea alddis ovddasvástáduš gozihit iežas oahpu ovdáneami. Studeanta galgá hui vuđolaččat ráhkkanit bagadalli ságastallamiidda. Bagadalli bargun lea árvvoštallat oahpu mannolaga ja bargguid buorre vuoda ja rávvat movt oahppoáiggi buoremusat sáhtta háldet.

Studeanta galgá olles oahppoáiggi doalahit oktavuoda iežas bagadalliiguin ja mitalit movt oahppu ovdána ja galgá maid iežas barggu digaštallat singuin..

**Oppalaš oahppoovttadagaid ja oahpahanvugiid oaidná dán tabeallas:**

Oahppoovttadat	Oahppočuoggát	Bargo-ja oahppanvuogit	Bargogáibádušat
OKT 301 Diehtu, dieđalaš bargu ja dutkanmetodat	10oč	Logaldallamat, bargamušat, joavkobarggut ja seminárat. Studeantta searvan deattuhuvvo. Seminárain galget studeanttat ovdanbuktit iežaset bargguid ja árvvoštallamiid, ja buktit mearkašemiid earáid bargguide ja ovdanbuktimiidda.	Studeanttat galget seminárain ovdanbuktan 15-20 minuvtta barggu maid ieža leat välljen lohkanmearreplánas, ja sii galget maid čállit 5 – 7 siidosaš artihkkala dahje essay lohkanmearreplána

			<p>vuodul.</p> <p>Fágaoahpaheaddji galgá dohkkehit goappašat dieid bargguid mearriduvvon áiggis ovdal eksámena.</p>
<p>OKT 302</p> <p>Prošeakta ja čállinseminára</p>	<p>10 oč.</p>	<p>Logaldallamat, bargamušat, joavkobarggut ja seminárat.</p> <p>Studeanttaid searvan deattuhuvvo.</p>	<p>Máhppa mas leat unnimustá golmma bargamuša vástádušat, mat sáhttet leat juogo dutkanplána álgu, duodje- árvvoštallan, muhtun barggu referáhtta, essay dahje artihkal mas válddahallá muhtun fáttá dahje vasedin addojuvvon fáttá. Bargguid galgá buktán mearriduvvon áigái ovdal eksámena.</p>
<p>DUO 303</p> <p>Duodji – dáiddafágalaš teoriija ja dutkanvuogit</p>	<p>10 oč</p>	<p>Logaldallamat, bargamušat, joavkobarggut ja seminárat.</p> <p>Studeantta searvan deattuhuvvo.</p> <p>Seminárain galget studeanttat ovdanbuktit iežaset bargguid ja árvvoštallamiid, ja buktit mearkašemiid earáid bargguide ja ovdanbuktimiid.</p>	<p>1) Čálalaš bargu. Čálloša viidodat leat sullii guhtta (6) siiddu, ja dan galgá ovdanbuktit oktasaš semináras. Bargu čadahuvvo vuosttas lohkanbajis.</p> <p>2) Prošeakta, masa gullet praktihkalaš oassi ja čálus.</p> <p>Studeanttat galget ovdanbuktit iežaset bargguid njálmmálaččat olles joavkkus</p>
<p>DUO 305/</p>	<p>(30oč)</p>	<p>Praktihkalaš geahččaladdat ávdnasiid</p>	<p>Studeanttat galget</p>

<p>Dáidda ja giehtaduodji dutkanproseassan ja geavatlaš</p>		<p>ja teknihkaid, joavkobarggut, bádjebarggut Studeanttaid iežaset bargui searvan deattuhuvvo. Studeanttat sáhttet bargat stuorát prošeavttain, mas giedáhallet máŋga fátta, omd. ávnnasgeahččalemiid ja statistihkaid. Studeanttat galget ovdanbuktit iežaset praktihkalaš bargguid ja árvvoštallat daid praktihkalaš teorehtalaš geahččanguovllus.</p>	<p>gárvvistit unnimusat 3 barggu, main okta galgá leat dutkanprošeavtta álgočilgehus. Dan galgá ovdanbuktit oktasaš semináras, gos mielstudeanttat leat opponeanttat. Barggu sisdoallu galgá systemáhtalaččat čilget teknihkaid ja ávdnasiid geahččaladdamiid, ja ovttá barggus galget studeanttat geavahit statistihkaid. Buot barggut galget ovdanbiddjojuvvot oktasaš čájáhusas njálmmálaš seminárain. Barggut árvvoštallojuvvojit loahpalaš bargun</p>
<p>DUO 390 Masterdutkan</p>	<p>60 oč</p>	<p>Masterdutkan lea stuorát iešheanaláš bargu mas studeanttat välljejit čuvget muhtun čuolbmačilgehusa mii lea vuodustuvvon praktihkalaš estehtalaš doibmii. Masterbargui gullá sihke praktihkalaš oassi ja čálalaš čilgehus mii lea masterdutkan. Eaktun lea ahte sihke praktihkalaš ja teorehtalaš oassi čuvgejit dan čuolbmačilgehusa maid lea välljen. Masterdutkan lea rehkenastojuvvon sullii guokte lohkanbaji. Studeanttat välljejit ieža masterdutkan fáttá, ovttas bagadalliin maid allaskuvla lea</p>	<p>Studeanttat galget guhtege sierra bargat bargamušain. Masterbargu galgá dahkkot lagas ovttasbarggus bagadalliin. Bagadallit veahkehit fuobmát eará vejolaš lahkonanvugiid, ovddidan dihtii studeantta iežas fágalaš ja metodalaš referánsarámma barggus mainna lea bargamin. Bagadallit addet fágalaš</p>

		<p>nammadan, ja ráhkadit bargui plána. Nammaduvvon bagadalli dohkkeha plána. Bagadallan galgá ovdánahttit studeantta ja bagadalli(-iid) fágalaš dialoga.</p>	<p>doarjaga oahpu rámmaid siskkobealde. Bargu ja dan ovddosguvlui mannu galgá čuovvut vuolláičállojuvvon bagadallisoahpamuša.</p>
--	--	--	---

## 8. MASTERDUTKKUS

Masterdutkan (60 oahppočuoggá) gullet:

Masterdutkan lea stuorát iešheanaláš bargu maid studeanta vállje, mas čuvge ráddjejuvvon čuolmma, mii lea vuodustuvvon praktihkalaš estehtalaš doibmii. Masterdutkan gullá sihke praktihkalaš oassi ja čálalaš čilgehus mii lea masterdutkan.

Eaktun lea ahte sihke praktihkalaš ja teorehtalaš oasit čuvgejit dan čuolbmačilgehusa maid lea válljen. Masterbargui rehkenastojuvvojit sullii guokte lohkanbaji.

Masterdutkan barggu sáhtá muhtun muddui varieret dađi mielde man ollu dáhttu deattuhit guđege čuovvovaš golmma komponenttas:

- masterbargu mas earenoamážit deattuha praktihkalaš-estehtalaš doaimma, mas čálalaččat čilge teorehtalaš duogáža ja metoda;
- masterbargu mas earenoamážit deattuha teorehtalaš lahkonaanvuogi, mas praktihkalaš-estehtalaš doaimma veahkeha čuvget daid čuolbmačilgehusaid maid válddahallá;
- masterbargu mas praktihkalaš ja teorehtalaš komponenttat deattuhuvvojit oalle muddui seamma ollu.

## 9. LOAHPALAŠ ÁRVVOŠTALLAN- EKSÁMEN

Sihke máhppaárvvoštallamat, ruovttoeksámen, čálalaš eksámen, njálmmálaš eksámen ja čájáhusat geavahuvvojit daid iešguđet fáttaid árvvoštallamiin. Tabeallas dás vuolábealde oaidná makkár eksámenmálet dain iešguđet oahppoovttadagain leat.

Oahppoovttadat	Oč	Eks.málla	Bargovuohki	Viidodat	Árvvoštallan
OKT 301 Diehtu, dieđalaš bargu ja dutkanmetodat	10 oč	5 –7 siidosáš artihkkala dahje essay ja njálmmálaš eksámen	Čálalaš gažaldagat	4 diimmu	Bustávvaárvosániit A-F 5 –7 siidosáš artihkkala dahje essay ja njálmmálaš eksámen mat dahkaba 50% goabbatge loahpalaš árvosániit.
OKT 302 Prošeakta ja čállinseminára	10 oč	Máhppaeksámen	Unnimusat 3 čálalaš barggu		Bustávvaárvosániit A-F
DUO 303 Duodji – dáidda, dáiddafágalaš teoriija ja dutkanmetodat	10 oč	Čálalaš	1) Čálalaš	1) Čálalaš bargu 2) Prošeaktabargu	Bustávvaárvosániit A-F
DUO 305 Dáidda ja giehtaduodji dutkanproseassan ja geavatlaš ovddidanbargu	30 oč	Čájáhus ja njálmmálaš eksámen	Njálmmálaš eksámen	Olles lohkanbadji	Bustávvaárvosániit A-F. 4 praktihkalaš barggu mat dahket 50% ja njálmmálaš eksámen 50% ollislaš árvosániin.
DUO 390 Masterdutkan	60 (45) oč	Čálalaš, čájáhus, njálmmálaš	Dieđalaš dutkamuš - Čájáhus	Teorehtalaš master 70-120 s, praktihkalaš bargguin 40-80 s. Njálmmálaš 45 min.	Bustávvaárvosániit A-F.

## 9.1 Masterdutkanosa árvvoštallan

Masteroahppu. Eksámenii gullet čuovvovaš komponeanttat:

**Masterdutkan:** Dat galgá dokumenteret studeantta dutkamušbargguid. Dokumentašuvdna galgá sisttisdoallat teorehtalaš ja praktihkalaš-estehtalaš oasi mat leat čadnon čuolbmačilgemii.

Masterdutkan dahká 52 proseantta oppalaš árvvoštallanvuodus. Das oážžu oasseárvosániid.

**Čájáhus:** Čájáhus galgá čájehit materiála ollisvuoda. Dat huksejuvvo masterbarggu praktihkalaš-estehtalaš oassái. Čájáhus dahká oktiibuot 24 proseantta ollislaš árvvoštallanvuodus. Das oážžu oasseárvosáni. Čájáhus rehkenastojuvvo njálmmálaš geahččaleapmin.

**Njálmmálaš čilgen** ovdanbuktojuvvo bargguid vuodul, oktasaš lohkanmearri ja lohkanmearri maid ieš lea válljen. Njálmmálaš čilgen vástida 24 proseantta ollislaš árvvoštallanvuodus.

Go lea čadahan masteroahpu mas praktihkalaš estehtalaš dáiddalaš bargu lea deattuhuvvon, de oážžu Mastergráda duojis.

## 9.2 Loahpalaš árvosátni

Go buot kurssaid lea čadahan ja go masterbargu lea árvvoštallojuvvo, de rehkenastojuvvo oktasaš árvosátni dan vuodul man galle oahppočuoggá guhtege oasseeksámen addá. Addojuvvo okta loahpalaš árvosátni. Masterbargu dahká beali árvosániin ja eará eksámenat oktiibuot dahket ges dan nuppi oasi. Geavahuvvojit bustávvaárvosánit oktasaš eurohpalaš árvosátnevuogádaga mielde (ECTS) A-F, mat vulget A rájes, mii lea buoremus, ja mannet njieja E rádjái, mii lea vuolemus ceavzinárvosátni ja F lea seamma go ahte ii leat ceavzán.

Kandidáhtat geat leat deavdán buot gáibádusaid mat pláνας leat, ožžot dasto duodaštusa ahte sii leat joksán mastergráda duojis.

## 10. INTERNAŠUNALISEREN

Lea vejolaš čadahit oasi oahpus sihke olgoriikkain ja eará institušuvnnain Sámis ja muđui Norggas. Muhtun oktavuodain soitet ge studeanttat háliidit čadahit oasi oahpus olgoriikkain, jus leat válljen dakkár oahppoovttadaga masterbargun masa lea dárbu háhkat earenoamáš olggobeal vásáhusaid.

Sámi allaskuvla lea álggu rájes juo 1989:s leamaš mielde internašuvnnalaš dutkanovttasbarggus mii guoská ártkalaš eamiálbmogiidda, ja lea dahkan šiehtadusaid eará riikkaid institušuvnnaiguin. Studeren olgoriikkain, mii lea oassin masteroahpus, berre dahkkot dieid soahpamušaid vuodul.

## 11. OAHPU KVALITEHTA SIHKKARASTIN

Studeantadásis árvvoštallojuvvo oahppu jámma árvvoštallančoahkkimiin, main addojuvvojit čálalaš ruovttoluottadieđut jus dan háliidit ja sáhttet kurssa loahpas deavdit árvvoštallanskovi.

Institušuvdnadásis árvvoštallojuvvo oahppu jámma studeantaárvvoštallamiin, eksámenraporttain, sensorraporttain ja fágaraorttain.

## II OAHPU OVDÁNEAPMI

Normerejuvvon oahppoáigi lea 2 jagi. Oahpus berre leat čuovvovaš progreshuvdna:

Jahki	Oahppoovttadagat	
1jahki 1 lohkanbadji	<b>OKT 301</b> DIEĐA, DIEĐALAŠ BARGU JA DUTKANMETODAT 10 oč	Oktasaš geatnegahtton
	<b>OKT 302</b> PROŠEAKTA- JA ČÁLLINSEMINÁRA 10 oč	Oktasaš geatnegahtton
	<b>DUO 303</b> DUODJI – DÁIDDA, DÁIDDAFÁGALAŠ TEORIIJA JA DUTKANMETODAT 10 oč	Oktasaš geatnegahtton

1 jagi 2 lohkanbaji	<b>DUO 305</b> DÁIDA JA GIEHTADUODJI DUTKANPROSEASSAN JA GEAVATLAŠ OVDÁNAHTTINBARGU 30 oč	
2 jagi 1 ja 2 lohkanbaji	<b>DUO 390</b> Masterbargu 60 oč	

Studeanttat geat háliidit geavahit guhkit go normerejuvvon 2 jagi masteroahpu ollašuttimii, sáhttet ohat beassat čadahit oahpu sierra lágiduvvon vuogi mielde, vaikko buot áiggiid ii soaitte sáhttit fállat heivehuvvon oahppofálaldaga diekkár studeantajovkui. Diekkár lágiduvvon oahpu galgá Sámi allaskuvlla Dutkan-ja oahppostivra (DOS) earenoamážit dohkkehit.